

TESSERA : MARIYA KA LEZIYON DELILIW (Dioula, BOBO)

1. DELILIW DAMINƐ

Faa ni deen ni Hakili Senu Tɔgɔla la. Amina

Na ! Hakili Senu, don i ka mɔgɔtlenninw dusu kalan u ka jeni e ka nyumanya tasuma na.

V. Matigi, e ka Hakili ci

R. Min be dugukolo nya da kuraya

An ka delili kɛ

Ala, e min y'e ka mɔgɔtlenninw dusu kala Hakili Senu ka yeelen fɛ, a to o Hakili kelen nin fɛ min ka nyi, an k'o nene ani an ka niisoniya fɔɔ abada a ka jigitugu koow la. An Matigi Yezu Krista Tɔgɔla. Amina.

V. Matigi, ne dagolow ye!e!

R. Ani ne daa bena e tɔgɔ wangola

V. Ala, na ne deme

R. Matigi, an bɔ bolola.

V. Faa ni Deen ni Hakili Senu ka tanu

R. Ala min be yen, min tun be yen ani min be na saan ni saan bɛɛ la. Amina.

(Nin kɔ, aw ka Sapele kuturu bɛɛ fɔ ka tugu nyongɔn na).

Faamamuso, n b'i fo, bamuso makaritigi, an ka yeremajigi, an jigi, n b'i fo ! Awa deenw jigitigelen be kasi e nɔɔ fɛ ; an b'an ka hamikow sin e ma, k'an to kulo ani kasi nyaji kɔnɔ. Ele, an demɛbaga, e ka makari fleri yeɛma an **fankɛ**. O lablanin nin kɔ, e ka Yezu yira an na. E kɔnɔnadeen barkalen be, yafatigi, makaritigi, nyumaman, saramanmuso Mariya.

V. Delili kɛ an ye, Mariya Ala baa

R. Waasa Krista y'a daa di min na, an ka se k'o sɔrɔ.

AN KA DELILI KƐ

An Matigi Ala, a nii, n'a ka saya, n'a ka kununi fɛ, e deen yen nii banbali d'an ma; a to an ka se k'an nii suma ni Sapele ka koo dogolenw ye, an be min fɔra, an k'an makonyako sɔrɔ a la. Ale Yezu Krista, an Matigi sababu la.

Amina.

V. Yezu dusu Senu

R. Makari an na

V. Mariya, wolohakentan ka dusu

R. Delili kɛ an ye

V. Zozɛf Senu

R. Delili kɛ an ye

V. Ewanzelisi Zan Senu

R. Delili kɛ an ye.

V. Mɔnfɔr ka Luwi Mari Senu

R. Delili kɛ an ye.

(Faa ni Deen ni Hakili Senu Tɔgɔ la. Amina.)

2. KATENA

Antɛni

Jɔn le nato ye, i n'a fɔ dugugwɛda, a cɛ ka nyi, i n'a fɔ kalo, a be mɛnɛmɛnɛ i n'a fɔ tle, fanga b'a ra i n'a fɔ kekekejenkulu labenni kele la ?

V. Ne dusu be Matigi tanu

R. Ne niisɔndiyalen be ne kisibaa Ala la

V. A y'a ka magwannamusu ka kumajigi fle

Kabini sisan, siyaw bɛɛ na ne wele dubaden

R. Sebaa Masa ye koba ke ne ye, A tɔgɔ ka senu

V. A ka makari be a nyasiranbaaw kan saan ni saan bɛɛ la.

R. A bolo ye sebaaya yira fɔ ka kuncɛbaw jɛnsɛn

V. A be fangatigiw jigi ka bɔ u ka faamasigilanw kan

Ka mɔgɔ majigilenw kɔrɔta.

R. A be kɔngɔ fa fennyuman na

Ka nafolotigiw bolo lakolon bla ka taa.

V. A y'a ka baaraden Israyel kɔrɔta

A hakili jigir'a ka makarikow la.

R. Iko a y'a fɔ an bɛnbaw ye cogo min na

A makarila Abraham n'a deenw na fɔ saan bɛɛ la.

V. Faa ni Deen ni Hakili Senu ka tanu

R. Ala min be yen, min tun be yen ani min be na saan ni saan bɛɛ la. Amina.

Antɛni

Jɔn le nato ye, i n'a fɔ dugugwɛda, a cɛ ka nyi, i n'a fɔ kalo, a be mɛnɛmɛnɛ i n'a fɔ tle, fanga b'a ra i n'a fɔ kekekejenkulu labenni kele la ?

V. Mari, e min ma wolo ni hake ye

R. An minw y'an yere kalfa e ma, delili ke an ye

AN KA DELILI KE

Matigi Yezu Krista, an cɛbenbaga Faa kɔrɔ, e sɔnna, muso saraman, e bamuso ka ke an bamuso ye ani an cɛbenbanga ye e kɔrɔ, a to minw b'e ka demeli nyinina, u bɛɛ ka sɔrɔ niisɔndiya ra ale sababu fe. **Amina.**

3. DELILI LABANW

(Faa ni deen ni Hakili Senu tɔgɔla la. Amina)

An mako b'e ka demeli la, Ala baa Senu e kana ban an ka delili la, an be minw lase e ma an makow bɛɛ la, nka e k'an kisi kojuguw ma; an lablanin be minw ye; muso saraman e fallen be bonye ni duba la.

V. Musu wolohaketntan, an bɛɛ cɛbenbaga ni Ala ka herɛ ye,
R. Delili kɛ an ye (walama, jɔnkulu be se ka delili dɔ werɛ kɛ)
V. Misel ni Gabriel ni Rafael Senuw, **R.** A ye delili kɛ an ye
V. Sanfɛ sebaaya bɛɛ, Mariya ka Leziyɔn mɛlɛkɛw, **R.** A ye delili kɛ an ye
V. Zan Batis Senu **R.** Deleli kɛ an ye.
V. Piyɛr ni Pol Senuw, **R.** A ye delili kɛ an ye.

AN KA DELILI Kɛ

A to Matigi,
An minw be baara kɛ Mariya ka jaa kɔrɔ,
Nin lanaya ye ele la, ni jigida ye ale la,
An lanin b'a la ko an na se dinyɛ kɔrɔ.
Lanaya sɔbɛ di an ma, min be kanuya don an dusu la
K'a sabati min b'a to an ka kɛwali be dafa
O ka kɛ kanuya tlennin ye e kama.
Ani an k'i ye tuma bɛɛ, k'i mako nyɛ an tɔnyɔɔɔnw na;
Lanaya min ka gwɛlɛ i n'a fɔ fara,
O di an ma, min ben'a to an be se ka sigi ni jagwɛlɛya ye
Krowaw cɛma, baaraw ni dusukasiw cɛma.
Lanaya gwɛlɛ, min see fɛ an be se
ka kobaw damine ani k'o laban ni sigɛsigɛ t'a la Ala kɔsɔn ani niw kisili kama.
An ka lanaya ka kɛ Leziyɔn tasaumaba ye;
Min be se ka sira yira an na ka taama kelen ye.
Wassa e ka kanuya tasuma ka mɛnɛ yɔrɔ bɛɛ.
A ka yeelen bɔ dibi la mɔɔɔw ye
Ani minw siginin be saya suma kɔrɔ. Ka mɔɔɔ farifagalenw fari foni.
Minw donna saya la hake fɛ, k'u lakunu ka segi nii na,
Lanaya min b'an demɛ ka herɛ sira taama, o di an ma,
Fɛn min b'a to nin dunyɛ nin koow kelen bɛ kɔ an kana nimisa an ka jenkulu nin
mɔɔɔ kelen koo la.
An ka Leziyɔn jenkulu bɛɛ ka se ka nyɔɔɔɔn lajɛn
E ka kanuya ni sebaaya masaya kɔnɔ. **Amina.**

An ka Leziyɔn jenkulu mɔɔɔ minw banna
Ani mɔɔɔtlennin minw bɛɛ saara,
U ka lafinyɛ sɔrɔ herɛ la, Ala ka nyumanyala. **Amina.**

(n'o y'a sɔrɔ mɔnperi dɔ be yen, aw ka delili tuma na, a ka duba kɛ aw ye).

Fa ni Deen ni Hakili Senu tɔɔɔla. **Amina.**